



Број: 01/4-50-3-4-38/16  
Сарајево, 16.12.2016.

## Z A P I S N I K

### **38. sjednice Komisije za finansije i budžet Predstavničkog doma Parlamentarne skupštine BiH, održane 14.12.2016., od 8,30 do 9,50 sati.**

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Aleksandra Pandurević, Dušanka Majkić, Damir Bećirović, Mirsad Isaković i Jasmin Emrić.

Sjednici su, također, prisustvovali: Denis Bećirović, poslanik u Predstavničkom domu PSBiH, Vjekoslav Bevanda, ministar, Sanja Jokić, sekretarka Ministarstva, Halida Pašić, šefica Odsjeka u Ministarstvu finansija i trezora BiH, Boris Buha, generalni sekretar, Mira Pekić, savjetnica u Kabinetu člana Predsjedništva iz Republike Srpske u Predsjedništvu BiH, Samir Mušović, savjetnik, Karlo Holub i Elma Muratović, saradnici u Projektu USAID SGIP, Nejra Neimarlija-Roić, saradnica Instituta za razvoj mladih KULT, Kenan Vehabović, sekretar Zajedničke službe PSBiH, Marin Vukoja, sekretar Predstavničkog doma PSBiH, Dragana Ćirić, stručna savjetnica u Uredu sekretara Komisije za finansije i budžet Doma naroda PSBiH, Jovica Katić, stručni savjetnik za informiranje u Sektoru za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

### **DNEVNI RED**

1. Usvajanje zapisnika 35. i 36. sjednice Komisije;
2. Razmatranje Prijedloga zakona o Budžetu institucija BiH i međunarodnih obaveza BiH za 2017. godinu - druga komisijska faza (predlagač: Predsjedništvo BiH).

Salko Sokolović predložio je da se dnevni red sjednice Komisije dopuni tačkom razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine u prvoj komisijskoj fazi, predlagača poslanika Šemsudina Mehmedovića. Potom je Komisija, s četiri glasa „za“, četiri glasa „protiv“ i jednim glasom „suzdržan“, odbacila prijedlog Salka Sokolovića za dopunu dnevnog rada sjednice Komisije.

Komisija je, s četiri glasa „za“, tri glasa „protiv“ i dva „suzdržana“ glasa, usvojila predloženi dnevni red sjednice Komisije.

#### **Ad.1. Usvajanje zapisnika 35. i 36. sjednice Komisije**

Zapisnik 35. sjednice Komisije usvojen je jednoglasno, bez primjedbi.

Zapisnik 36. sjednice Komisije usvojen je jednoglasno, bez primjedbi.

#### **Ad.2. Razmatranje Prijedloga zakona o Budžetu institucija BiH i međunarodnih obaveza BiH za 2017. godinu - druga komisijska faza (predlagač: Predsjedništvo BiH)**

U uvodu u ovu tačku dnevnog reda predsjedavajući Komisije istakao je da je Predstavnički dom Parlamentarne skupštine BiH usvojio Prijedlog zakona o Budžetu institucija BiH i međunarodnih obaveza BiH za 2017. godinu u prvom čitanju i da su u amandmanskom roku amandmane na Prijedlog zakona uložili: poslanici Denis Bećirović, Salko Sokolović, Dušanka Majkić, Nikola Špirić, Predrag Kožul, Damir Bećirović i Mirsad Isaković.

Nakon rasprave, u kojoj su učestvovali članovi Komisije, Vjekoslav Bevanda, ministar finansija i trezora BiH i podnosioci amandmana, pristupilo se glasanju o amandmanima.

Komisija je, sa sedam glasova „za“ i dva glasa „protiv“, podržala prijedlog da se objedini izjašnjavanje o amandmanima Denisa Bećirovića.

Komisija, s tri glasa „za“, četiri glasa „protiv“ i dva „suzdržana“ glasa, nije usvojila 21 amandman Denisa Bećirovića.

Također, Komisija je jednoglasno podržala prijedlog da se objedini izjašnjavanje o amandmanima Salka Sokolovića.

Komisija, s četiri glasa „za“, četiri glasa „protiv“ i jednim „suzdržanim“ glasom, nije usvojila devet amandmana Salka Sokolovića.

Potom je Komisija jednoglasno objedinila izjašnjavanje o amandmanima poslanika Nikole Špirića.

Komisija je, s pet glasova „za“, tri glasa „protiv“ i jednim „suzdržanim“ glasom, usvojila amandmane Nikole Špirića koji glase:

#### **Amandman I.**

U članu 2. Prijedloga zakona o Budžetu institucija Bosne i Hercegovine i međunarodnih obaveza Bosne i Hercegovine za 2017. godinu u tabeli broj 2.: „Zbirni pregled rashoda po ekonomskim kategorijama i izvorima finansiranja“, stavka VI: „Direktni transferi“ uvećava se za iznos od 180.000 KM, tako da se u koloni: „Budžet za 2017. godinu“ iznos od: „25.662.000“ mijenja i glasi: „25.842.000“. U koloni „Povećanje/smanjenje 7-5“ iznos „5.383.000“ uvećava se za 180.000 KM, tako da glasi: „5.563.000“.

U istoj tabeli stavka VII. „Rezerviranja“ umanjuje za 180.000 KM, tako da se u koloni „Budžet za 2017. godinu“ iznos od: „3.487.000“ mijenja i glasi: „3.307.000“. U koloni „Povećanje/smanjenje 7-5“ iznos „2.028.000“ umanjuje se za 180.000 KM, tako da glasi: „1.848.000“.

## **Amandman II.**

U članu 3. Prijedloga zakona o Budžetu institucija Bosne i Hercegovine i međunarodnih obaveza Bosne i Hercegovine za 2017. godinu u tabeli broj 3. „Raspored rashoda po budžetskim korisnicima“ u okviru stavke 9999-1: „Direktni transferi s Jedinstvenog računa trezora“ iza podstavke 12: „Povećanje u učešću kapitala u Međunarodnoj banci za obnovu i razvoj (IBRD i IFC)“ dodaje se nova podstavka 13.: „Transfer sredstava Muzeju savremene umjetnosti Republike Srpske za potrebe finansiranja Paviljona Bosne i Hercegovine na 57. Venecijanskom bijenalu 2017. godine“, i u koloni: „Budžet za 2017. godinu“ dodaje iznos od: „180.000 KM“ dok se u kolonama: „Budžet za 2016. godinu“, i: „Zahtjev 2017. godina“ unosi iznos: „0“. U koloni: „Povećanje/smanjenje 5-3“ dodaje se iznos od: „180.000“.

U istoj tabeli stavka: „Ukupno Direktni transferi s JRT“ u koloni „Povećanje/smanjenje 5-3“ iznos od: „5.383.000“ uvećava se za 180.000 KM, tako da glasi: „5.563.000“, u koloni „Budžet za 2017. godinu“ iznos od: „25.662.000“ uvećava se za 180.000 KM, tako da glasi: „25.842.000“.

U istoj tabeli stavka 9999-2: „Rezerviranja“ u podstavci 1.: „Tekuća rezerva“ u koloni: „Povećanje/smanjenje 5-3“ iznos od: „2.528.000“ umanjuje se za 180.000 KM, tako da glasi: „2.348.000“, dok se u koloni: „Budžet za 2017. godinu“ iznos od: „3.487.000“ umanjuje za 180.000 KM, tako da glasi: „3.307.000“.

U istoj tabeli na stavci: „Ukupna rezerviranja“ u koloni: „Povećanje/smanjenje 5-3“ iznos „2.028.000“ umanjuje se za 180.000 KM tako da glasi: „1.848.000“, a u koloni: „Budžet za 2017. godinu“ iznos „3.487.000“ umanjuje se za 180.000 KM tako da glasi: „3.307.000“.

U istom članu u tabeli: „Direktni transferi“ na 93. i 94. stranici na stavci: „II. Tekući grantovi“ u koloni: „Povećanje/smanjenje (6-4)“ iznos od: „1.393.000“ uvećava se za 180.000 KM, tako da glasi: „1.573.000“, dok se u koloni: „Budžet za 2017. godinu“ iznos od: „20.241.000“ uvećava za iznos od 180.000 KM tako da glasi: „20.421.000“. U stavci: „II. Tekući grantovi“ iza podstavke 5.: „Izmirenje obaveza prema UNDP-u shodno Memorandumu o razumijevanju između Vijeća ministara BiH i Razvojnog programa

Ujedinjenih naroda“ dodaje se nova stavka 6. koja glasi: „Transfer sredstava Muzeju savremene umjetnosti Republike Srpske za potrebe finansiranja Paviljona Bosne i Hercegovine na 57. Venecijanskom bijenalu 2017. godine“ u koloni: „Ekonomski kod“ unosi se kod: „614100“, u koloni: „Izvor finansiranja“ unose se riječi: „Budžet“, u koloni: „Budžet za 2016. godinu“, unosi se broj: „0“, u koloni: „Povećanje/smanjenje (6-4)“ unosi se iznos od: „180.000“, i u koloni: „Budžet za 2017. godinu“ unosi se iznos od: „180.000“.

U istoj tabeli na stavci: „Ukupno“ u koloni: „Povećanje/smanjenje (6-4)“ iznos od: „5.383.000“ uvećava se za 180.000 KM tako da glasi: „5.563.000“, a u koloni: „Budžet za 2017. godinu“ iznos od: „25.662.000“ uvećava se za 180.000 KM, tako da glasi: „25.842.000“.

Mirsad Isaković odustao je od dva podnesena amandmana.

Potom je Komisija uz saglasnost Damira Bećirovića jednoglasno prihvatila prijedlog da se objedini izjašnjavanje o 25 amandmana Damira Bećirovića.

Komisija, s tri glasa „za“, četiri glasa „protiv“ i dva „suzdržana“ glasa, nije usvojila 25 amandmana Damira Bećirovića.

Potom je Komisija pristupila pojedinačnom glasanju o amandmanima Dušanke Majkić:

Komisija je jednoglasno usvojila Amandman I. Dušanke Majkić koji glasi:

(Višegodišnji projekti)

Dopunjava se član 9. stavom (3) koji glasi:

(3) Vijeće ministara BiH će putem detaljnog godišnjeg izvještaja upoznati Parlamentarnu skupštinu BiH o višegodišnjim nerealiziranim projektima iz stava (1) ovog člana koji se prenose u narednu godinu, visini nerealiziranih sredstava kao i razlozima njihove nerealizacije.

Komisija, s jednim glasom „za“, četiri glasa „protiv“ i tri „suzdržana“ glasa, nije usvojila Amandman II. Dušanke Majkić.

Komisija, sa osam glasova „za“ i jednim „suzdržanim“ glasom, usvojila je Amandman III. Dušanke Majkić koji glasi:

(Tekući grantovi)

Dopunjava se član 10. novim stavom (4) koji glasi:

(4) Ministarstvo civilnih poslova BiH će najkasnije do 31.3.2018. dostaviti detaljan izvještaj Parlamentarnoj skupštini BiH o svim dodijeljenim tekućim grantovima iz stava (1) ovog člana.

Komisija, s četiri glasa „za“, četiri glasa „protiv“ i jednim „suzdržanim“ glasom, nije usvojila Amandman IV. Dušanke Majkić.

Komisija je, sa šest glasova „za“, dva glasa „protiv“ i jednim „suzdržanim“ glasom, usvojila Amandman V. Dušanke Majkić koji glasi:

(Prestrukturiranje rashoda u Budžetu)

Dopunjava se član 20. i to tako što nakon stava (1) slijedi novi stav (2) koji glasi:

(2) O izvršenim prestrukturiranjima institucija BiH unutar budžetskih rashoda za 2017. godinu Ministarstvo finansija i trezora BiH će kvartalno izvještavati Parlamentarnu skupštinu BiH.

(3) Dosadašnji stav (2) postaje stav (3).

Potom je Komisija jednoglasno prihvatila Amandman I. Predraga Kožula koji glasi:

U članu 3. Prijedloga zakona o Budžetu institucija Bosne i Hercegovine i međunarodnih obaveza Bosne i Hercegovine za 2017. godinu, na srpskom jeziku, u pojedinačnoj „tabeli 18. Ministarstvo komunikacija i prometa Bosne i Hercegovine“, na kraju tabele iza riječi: „UKUPNO“, dodati rubriku: „SVEUKUPNO“, sa sljedećim pokazateljima:

- na stavku: „Budžet za 2016. godinu“ dodati iznos: „13.432.000“;
- na stavku: „Povećanje/smanjenje (6-4)“ dodati iznos: „- 643.000“;
- na stavku: „Budžet za 2017. godinu“ dodati iznos od „12.789.000“ i
- na stavku: „Indeks (6/4\*100) dodati: „95“.

Komisija je, s pet glasova „za“, dva glasa „protiv“ i dva „suzdržana“ glasa, prihvatila Prijedlog zakona o Budžetu institucija BiH i međunarodnih obaveza BiH za 2017. godinu sa usvojenim amandmanima u drugoj komisijskoj fazi.

**Sekretar Komisije**

Željko Kosmajac

**Predsjedavajući Komisije**

Predrag Kožul

Prilog: Neautorizirani transkript 38. sjednice Komisije za finansije i budžet PDPSBiH